


Itihasni Gimagimin Sal



Amazing Facts
Poraiani

7



Na·a Sastroo namen nangchongmotgipa sal donga ine u-iaa jekon sakantian ong-nasipile gualaha? lan aiaoinmanani ong-a je bang-gija manderangan iani gimin u-ia, maina mande jatni itihaso nangchongmotgipa salrangoni sal ong-a! lan batanggimin somoini salsan ong-aia, indiba lan an-chingni da-o aro mikkangchi orto donggipa salba ong-a. Unbaksana, ia simsagjigagipa salara mikkangchi nang-ni janggi tangao gamchatgipa ong-na man-a. la itihaso gimagimin salni gimin aiao inmagipa chong-mot ong-anirangni gimin u-ina skama? Indide ia Poraianko simsake poraibo.

1

Badiagipa salo Jisu dakbewal gita olakkianiko daka?

"Aro ua an-tangko dal-atram Nazarethona re-baaha; aro an-tang dakbewal gita, neng-takan salo gilja noko nape poraina chadengaha" (Luk 4:16).

Aganchakani: Jisuni dakbewalara Neng-takani Salo olakkianiko dakrongachim.



2

Indiba serikanio badia sal gimagimn ong-aha?

"Snigipa sal Jihova nang-ni Isolna neng-takani sal ong-a" (Reongkata 20:10). "Aro neng-takani sal badeango ... aro antini skang sal pringni sal nao uamang gopramona re-baaha" (Mark 16:1, 2).

Aganchakani: la sing-anina aganchakna on-tisa sandianiko dakna nanga. Bang-an Neng-takani Salde, antini skanggipa, Robibar salsa ong-a ine bebara-a, indiba Sastroni aganania, Neng-takani salde antini skanggipa salna skangan ong-a. Sastroni gitade, Nengtakani Salara antini snigipa salan onga-uan Sonibar sal ong-a.



3

Neng-takani Sal banoni ong-bara?

“Chengon, Isol salgi ro aako ong-ataha ... Aro sal snini salo Isol an-tangni daggimin kamko chon-aha; aro ua salnini salo ua an-tangni pilak daggimin kamoni neng-takaha. Aro Isol ua sal snini salko pattie rongtalataha” (Abachenga 1:1; 2:2, 3).



Aganchakani: Isol Neng-takani salko a-gilsakko Ong-atani somoion dakaha. Ua Nengtakani salo nengtakaha aro pattiaha aro uko rongtalataha –chong-motan, Ua rongtale jakkalna dingtang donaha.

4

Isol maiko Ge-eta Niam Mingchikkungo Neng-takani salni gimin aganaha?

“Uko rongtala ine rakkina neng-takani salko gisik ra-bo. Sal dok na-a gambo, aro nang-ni pilak kamko ka-bo; indiba snigipa sal Jihova nang-ni Isolna neng-takani ong-a; uno na-a mamung kamkoba ka-nabe, na-a, aro nang-ni depante, aro nang-ni demechik, nang-ni nokol me-asa, aro nang-ni nokol me-chik, aro nang-ni jillanirang, aro nang-ni guareni do-garangni ning-o mande agital; maina sal doko Jihova salgi, aro a-ako, sagalko, aro uarango donggipa pilakkon dakaha, aro snigipa salo ua neng-takaha: uni gimin Jihova neng-takani salko pattiaha, aro uko rongtalataha” (Reongkata 20:8-11). “Aro Isolni jaksichi segimin rong-pleng dotniko Jihova angna on-aha” (Deuteronomy 9:10).

Aganchakani: Ge-eta Niam Mingchikkungni brigipa ge-etanio, Isol an-chingko snigipa sal Neng-takaniko, An-tangni rongtalgipa sal dake ine rakkichina aganaha. Manderang altuaen An-tangni Neng-takani Salko gualaigne ine Isol u-ia, uni giminsa Ua ia ge-etaniko “gisik ra-bo” ingipa kattachi a-bachengaha.



5

Indiba Ge-eta Niam Mingchikkungko dingtangatahama?

Reongkata 20:1 agana, “Aro Isol ia pilak kattarangko agane inaha ... [pod 2-17 o janapgipa Ge-eta Niam Mingchikkung].” Isol aganaha, “Angni songgigrikaniko anga ramram dakjawa, aro angni ku-chilrangoni ong-katgipako anga dingtang dakjawa” (**Gitrang 89:34**). Jisu aganaha, “Indiba niamoni on-timinti chu-sokgija batede salgi aro a-a gimaan altubata” (**Luk 16:17**).

Aganchakani: Ian, Ong-ja! Isolni niamoni je niamba dingtangna man-ja. Pilak Ge-eta Niam Mingchikkungangan da-alonaba kingking gamchatkuenga. Jedake gipin mingsku ge-etanirang dingtanguja, apsandake, brigipa ge-etaniba dingtanguja.

6

Watatarang snigipa salo Neng-takani Salko rakkiahama?

“Aro Paul uni dakbewal gita, uamangona napangaha, Sastrooniko mesoke aro agane, Nengtakani sal changgittamna kingking uamang baksa jegrikaha” (**Watatarang 17:2**).

“Unikoa Paulmang, nengtakani salo gilja noko nape asongaha” (**Watatarang 13:13, 14**).

“Aro neng-takan salo cholgugani a-palchina chibimani rikamona, jeo biani biap donga ine chanchiachim, uchina re-angaha; aro chinga asonge tom-dakgipa me-chikrangna aganaha” (**Watatarang 16:13**). “Aro ua gilja noko, neng-takani salantian jegrike Jihudi aro Greekrangna skiaha” (**Watatarang 18:4**).

Aganchakani: Oe. Watatarangni kitapo rongtalbee agananiko daka je Paul aro skangni mondoli Neng-takani Salko rakkiaha.





7

Gipin Jatrangba snigipa Nengtakani Salo olakkiahama?

“Jihova indine agana, “Iako dakronggipa mande, aro iako rake kimkim rim-gipa mandeni depante, neng-takani salko marang nangataoniko rakkigipa, aro mamung namgija dakaoniko an-tangni jakko rimrikgipa an-senga ... aro una dangdike on-na, uni nokkolrang ong-na ine, an-tangtango Jihova baksa nangrimatgipa songgipinni manderangba neng-takani salko marang nangataoniko rakkigipa, angni songgiani kimkim rim-gipa pilakan; anga uamangkoba angni rongtalgipa a-briona rimbagen ... maina angni nokko pilak jatrangni bi-ani nok ine minggen” (Isaia 56:2, 6, 7). Watatarang iani gimin skiaha: “Aro uamangni ong-katangmitingo ia kattarangko uamangna mikkangchiba neng-takan salo aganchina mol-molaha ... aro neng-takani sal ong-taio, songjinma gimikni manderang chon-nasipile Isolni kattako knatimna tom-tokaha” (Watatarang 13:42, 44). “Aro ua gilja noko, neng-takani salantian jegrike Jihudi aro Greekrangna skiaha” (Watatarang 18:4).


Aganchakani: Watatarang skangni mondolio Isolni ge-etgipa Neng-takani Salkosan maniaijaha, indiba gisik pil-gipa Gipin Jatrangba Neng-takani Salo olakkina skiaha.

Indiba Neng-takani Salko Robibaronade dingtangtjahachima?



Aganchakani: Ong-ja. Sastroo je bakoba, Jisu, Uni Pagipa, ba watatarang, je somoioba, je obostaoba rongtalgipa snigipa Neng-takani Salko gipin salona dingtangataha ine aganja. Indiba Sastro bikpil dake skiaha. la sakirangni gimin an-tangna chanchiatbo:

- A. Isol Neng-takani Salko pattiaha:** “Uni gimin Jihova neng-takani salko pattiaha, aro uko rongtalataha” (**Reongkata 20:11**). “Aro Isol ua sal snini salko pattie rongtalataha” (**Abachenga 2:3**).
- B. Jensalo Jerusalemko AD 70 o nisiatahaon Kristo An-tangni manderangko Neng-takani Salko rakkianiko nangnikuenga.** Jerusalemko Romeni jakchi AD 70 o niatatgen ine name daken u-ie, Jisu An-tangko ja-rikgiparangko ua somoio indine agane mikrakataniko dakaha, “Aro na-simangni katanga sin-kario, ba neng-takani salo maikai ong-jagen, uni gimin bi-bo” (**Mati 24:20**). Jisu iani gimin rongtalbeen agananiko dakaha je Uni manderang Uni chakatpilani bilsa 40 jamanoba Neng-takani Salko rakkiangkugen.
- C. Krisotoni manggisiko to nongna re-bagipa me-chik Neng-takani Salko rakkiha.** Jisu “Neng-takani salna skang” (**Mark 15:37, 42**) siaha, jekon “Good Friday” ine mingrongaha. Me-chikrang smilgipa moslarangko aro torangko Uni be-enonongna daksoaha, indake “Neng-takan salo niam gita neng-takaha” (**Luk 23:56**). “Neng-takani sal badeangosa” (**Mark 16:1**) me-chikrang “antini skanggipa salo” (**Mark 16:2**) uamangni duk ong-gipa kamko ka-angkuna re-baaha. Uamang Jisuko “antini skang salo pringni” (pod 9) nikna manaha jekon “Easter Sunday” ine mingrongaha. Ka-sapae u-ie ra-bo je Neng-takani Salde “ge-etani gitade” Easter Sundayna sakng ong-a, jekon da-o Sonibar sal minga.
- D. Watatarangni kitapko segipa, Luk, olakkiani salko dingtangatani gimin mamungkoba aganja.** Uano dingtangatani gimin Sastroo serikani dongja. Watatarangni kitapo, Luk agananiko daka je ua uni nama kattao Jisuni “pilak” skianirangni gimin seaha (**Watatarang 1:1-3**). Indiba ua mamungdakeba Neng-takani Salni dingtangani gimin sejaha.



9

Mitam manderang agana je Neng-takani Salko Isol gitalgipa a-gilsako manigen. lan bebe ong-ama?

“Maina angni dakgnigipa gital salgirang aro gital a-gilsak maikai angni mikkango dongkamgen, uandake na-simangni bitchri aro na-simangni bimung dongkamgen, ine Jihova agana. Aro indake ong-gen, ja gital changsaoni changsaona, aro neng-takani sal saoni neng-takani sal gipinona pilak be-en angni mikkangona olakkina re-bagen ine Jihova agana” (Isaia 66:22, 23).

Aganchakani: Oe, pilak chasongrangni joggimin manderang Neng-takani Salko gital a-gilsako manigen.



10

Indiba Robibar salara Gitelni Sal ong-jama?

“Neng-takani Salko namnikbeani, aro Jihovani rongtalgipako mandera-gni ine mingode” (Isaia 58:13). **“Maina Mandeni Depante Neng-takani Salni nokgipa ong-a”** (Mati 12:8).

Aganchakani: Sastro “Gitelni Salni” gimin **Parape-a 1:10** o agana, uni gimin Gitelo dingtangmanchagipa sal donga. Indiba Sastroni je podoba Robibar salko Gitelni Sal ine janapja. Indiba Sastro rongtalbeen talataniko daka je snigipa sal Neng-takani Salan Gitelni Sal ong-a. Ia salko Gitel pattiaha aro snigipa sal Neng-takani Salan An-tangnin ong-a kange ra-gipa sal ong-a.




11

Kristoni chakatpilaniko mandera-na Robibar salko an-ching rakkina nangama?

“Ba an-ching badita Kristo Jisuna baptize ka-a man-aha, an-ching uni siana baptize ka-a man-aha ine na-simang u-ijama? Uni gimin uni siana baptize ka-achi an-ching un baksa gopako man-aha; jedake Kristo Pagipani rasongchi sigimnangoni chakatpilako man-aha, uandake an-chingba maikai janggini gital ong-ao re-ruragen. Maina an-ching uni siako mesokan baksa nangrimahaode, an-ching uni chakatpilanini baksaba ong-gen. An-ching maikai papni nokol ong-jawaha, papni be-enko gimaatna ine, an-chingni mande gitcam un baksa chisolo datkapako man-aha ine an-ching u-ia” (Romrangna 6:3-6).

*Jisu nappolaniko
Uni chakatpilaniko
mandera-na songaha
Robibar salko ong-ja.*



Aganchakani: Ong-ja! Sastro mamung saloba chakatpilaniko dal-nikna ba gipin a-selni gimin Robibar salko rongtale rakkichina ku-pattianiko dakja. An-ching Uni ge-etanirangko tongtong manianichi Kristoko mandera-a (Johan 14:15)—Uni jringjrotni niamni palo mandeni songgimin niamrangko on-sreanichi ong-ja.

12

Sastroo Robibar salko manina nanga ine janapani dongjaode, sani dongiminsa ong-achim?

“Ua ... tik dongimin salrang aro niamko dingtangatna ua chanchigen” (Daniel 7:25). “Aro na-simang an-tangtang chasong chasongni niamni gimin Isolni katako bingbangataha ... indiba uamang angko olakkigramaia, skianirang ine manderangni ge-etanirangko skie” (Mati 15:6, 9). “Uni kamalrang angni skianiko sretataha, aro angni rongtalgiparangkong marang nangataha ... Jihova aganjaon, Gitel Jihova indine agana ine, uni katchinikgiparang ong-gramaianiko nike, aro uamangna tol-e simanie uamangko bokatanichi repidapaha.” (Ezekiel 22:26, 28).

Aganchakani: Jisuni chakatpilani bilisi 300ni ja-mano, Jihudirangko pil-sadake mitchiani gimin, dilsretgipa manderang Isolko olakkiani rongtalgipa salko Sonibaroni Robibar salona dingtangataha. Iako ong-gen ine Isol agansomanaha, aro ong-aba ong-aha. Ia gualaniko chong-mot ong-a ine mesoke an-chingni chanchipna man-gijagipa chasongona on-rikrikataha. Indioba, Robibar salko manianiara manderangni dongimin ja-rikgipa niamsan aro Isolni niamko pe-anisan ong-aia, jean Neng-takani Salko rakkichina ge-etmanaha. Isolsanmangmang salko rongtalatna man-a. Isol Neng-takani Salko pattiaha, aro jensalo Isol pattiaha, darang mandeba “uko bikpilatna” (Chanani 23:20) amja.



13

Indiba Isolni niamko dingtanganiara kenani ong-jama?

“Na-simang angni na-simangna
ge-etgimin katana on-dapna
ba uoniko komiatna nangja”

(Deuteronomy 4:2). “Pilak Isolni kata
rongtaltgimin ong-a ... Na-a Uni katarangna
on-dapnabe, maikai Ua nang-ko manenge
nang-ko tol-gipa ine u-iatjawa”
(Toe Skianirang 30:5, 6).



Aganchakani: Isol manderanko An-tangni
niamko ra-galanichi ba on-dapanichi dingtangatna
beng-aha. Isolni niamko onsreanian mingsa namen kenbatngigipa ong-aha jekon mande dakaha, maina Isolni niam
chu-solgipa ong-a aro namgijaoniko an-chingko rakkina uko tariaha.

14

Maina indide Isolara Neng-takani Salko dakaha?

A. Ong-atani Chin. “Uko rongtala ine rakina
neng-takani salko gisik ra-bo ... maina sal doko
Jihova salgi, aro a-ako, sagalko aro uarango donggipa
pilakkon dakaha: uni gimin Jihova neng-takani salko
patiaha, aro uko rongtalataha”
(Reongkata 20:8, 11).

B. Piokani aro rongtaltani chin: “Aroba, uamangko
rongtalgipara anga Jihovan ine uamang u-ichina ine,
angni aro uamangni gisepo chin ong-china, anga
uamang an-tangni neng-takani salrangko on-aba
on-aha” (Ezekiel 20:12).

Aganchakani: Isol Neng-takani Salko rokomgni chin gita dake onaha: (1) Ian chin ong-a maina Ua
a-gilsakko sal dokni salo dakaha, aro (2) Ian manderanko piokna aro rongtaltatna man-a ine Isolni bilni
bilakanikomesokani chinba ong-a. Ian Kristian mandena snigipa Neng-takani Salko Isolni Ong-atani aro
piokani gamchatgipa chin ong-a ine aganchakani ong-a (Reongkata 31:13, 16, 17; Ezekiel 20:20). Isolni
Neng-takani Salko ga-belbelaniara namen mandera-gija ong-a. **Isaia 58:13, 14** o, Isol agana jerangan Uni
rongtalgipa salo an-tangtangni ja-arangko re-ekatja patianiko man-gen.



15

Neng-takani Salko rongtale rakkianiara badita nangchongmotani ong-a?

"Niamko pe-anpap ong-a" (1 Johan 3:4). "Papni dormaha sia" (Romrangna 6:23). "Maina saoba niam gimikko manie mingsao ja-gidote, pilakni gimin gro nanggipa ong-aha" (Jakob 2:10).

"Kristoba nasimangni gimin duk mane, nasimang uni jakolko jarikchina nasimangna dake mesokangaha" (1 Pitor 2:21). "Aro chu-sokatako man-enba, ua uko manigipa pilakna jringjrotni jokani ong-atgipa ong-baaha" (Ibriangna 5:9).



Aganchakani: Ian tangani ba sianina chanchiani ong-a. Neng-takani Salko Isolni brigipa geetanio chelchake rakkiaha aro dedoa. Geeta mingchikkungoni mingsako miksoge peode uan pap onga. Kristianrang Kristoni Neng-takani Salko rakkiani gimin damesokaniko kusi ong-e-ja-rikgen.

16

Neng-takani Salko simsakgija dake ra-gipa toromni dilgiparangni gimin Isol maidake chanchia?

"Uni kamalrang angni skianiko sretataha, aro angni rongtalgiparangkon marang nangataha. Rongtalgipa aro ramram ong-gipani gisepo uamang mamung dingtangtjaha ... aro angni neng-takani salrangoniko an-tangtangi mikronrangko donnuaha, aro anga uamangni gisepo marang nangatgimin ong-aha ... Uni gimin anga uamangni kosako an-tangni ka-onangako pakdaphna" (Ezekiel 22:26, 31).

Aganchakani: Mitam toromko dilgiprang Robibar salko rakkigiparang donga maina uamang maiba nambatako u-ija, jerangan ma-sieba dakenga Isolni rongtalaniko marang nangatenga. Uamangni mikronrangko Isolni chong-motgipa Neng-takani Saloniko donnuanichi, bang-a toromko dilgiparang sakgipinrangkoba marang nangataha. Million manderang iani bidingo dilsretataniko manaha. Jisu Pharisirangko uamangni Isolna ka-samika dakanina manengaha maina uamang mandeni dongimin niamrangchi aro dakbewalrangchi Ge-eta Mingchikkungko manina gamchatnikgija ong-ataha (Mark 7:7-13).



17

Neng-takani Salko rakkianira manderangko dingtangmancha dake neng-nikatahama?

"Na-simang Angna ka-saode, indide Angni ge-etanirangko manibo" (Johan 14:15).

"Uni gimin namako dakna uie uko dakgijagipana uan pap ong-a" (Jakob 4:17). "Boljanggiona aro cholgugarangchiko songjinmaona aro napna man-na gita cholatantangko su-giparang kusi ong-a" (Parape-a 22:14). "Aro ua uamangna aganaha, Neng-takani Sal mandena ong-aha, indiba mande neng-takani salna ong-jachim" (Mark 2:27).

Aganchakani: Oe! Nengtakani Sal Isolni mandena indin on-gipa ong-a, jean nang-na agilsakoni neng-takna gita on-aha! Ian ongrongbewal onga je manderang jerangan Una ka-saa uamangde Uni Neng-takani Salko rakkina nangnikgen. Beben, ka-saani gri ong-e ge-etaniko rakkianide chong-motgipa ka-saani ong-ja **(1 Johan 2:4)**. Ian sakatini chanchie basee ra-aniko dakna nangani ong-a, aroan-ching iako gelna man-ja. Namgipa koborde Neng-takani Salko mainina basee ra-anichi na-a bang-bea pattianiko man-gen!

Neng-takani Salo, na-a an-tangko dosinigija jakgitele nengtakna mana—nangni salantio dakenggipa kamrang, jedake kam ka-ani aro korosrangko ka-ani, uni palo a-gilsak salgisakko Ong-atgipa baksa somoiko ra-skabo. Isolko gipin bebero-giparang baksa, nokdang baksa somoiko ra-bo, ong-atgiminrangni gisepo re-ramaniko dakbo, gisikni bidingo de-doatgipa seanirangko poraibo aro sagiparangko gronge ka-dongatani on-anian namgipa cholrang ong-a jechin Neng-takani Salko rongtale rakkina man-gen. Saldokni salrango neng-goke kam ka-ani ja-mano, Isol nang-na kamoni neng-takna aro nang-ni janggiko aldu mitangna Neng-takani Salko indin on-aha. Ua maia nang-na nambatgenchim uko u-igipa ong-a ine na-a ka-dongchakna man-a!



18

Na-a Uni snigipa sal Neng-takani Salko rongtale rakkianichi Isolna mandera-aniko dakna sikgenma?

Nang-ni Aganchakani:

Nang·ni Sing·anirangna Aganchakaha

1. Neng·takani Salara Jihudirangnasan ong·aiama?

Aganchakani: Ong·ja. Jisu aganaha, “Neng·takani sal mandena ong·aha” (**Mark 2:27**). Ia Jihudirangnasan ong·aijaha, indiba mandeni jatnaba ong·aha—pilak me·a aro me·chikrangna pilakchinan. Neng·takani Salko dakani ja·mano, Jihudi jat 2500 bilsirangona kingkingde dongjaha.

2. Watatarang 20:7-12 o sninggiparang Robibar salko rongtale rakkiaha ine saki on·jama?

Aganchakani: Sastro gitade, salsara sal napaoni a·bachenga aro pringgipin sal nao bon·ea (**Abachenga 1:5, 8, 13, 19, 23, 31; Levirangna 23:32**) aro salni andalgipa bak skang re·bachenga. Uni gimin Neng·takani salara Sukrobar sal napaoni a·bachenga aro Sonibar sal napo bon·ea. **Watatarang 20** o serikgipa tom·bimonganio chanchigrikaniara Robibar salni andalani bako ong·ahachim, ba jekon an·ching da·o Sonibar wal ine agangenchim. Ian Sonibar sal walni tombimonganio ongachim, aro uan waljatchiona kingking ongaha. Paul salgipino re·chakatna mangsongaha aro uamangko niktaijawaha ine ua u·iaha (**pod 25**). Ua beben ru·utbeen skiaha! (antini salrango skironganio waljatchiona kingkingde ong·rongja.) Paul, “unis al sao re·chakatna” mangsongahachim (**pod 7**). Pitako pe·aniara iano mamung dingtangmancha gamchatani dongja, maina uamang salantion pitako pe·rongaha (**Watatarang 2:46**). Antini skanggipa sal rongtala ine ia seanio janapani dongja, ba skangni Kristianrang iako chanchie donaha ine sakkiba dongja. Ba Neng·takani Salko dingtangataha ine aganani mamung saki dongja. (Eutykusni nokdecholo asonge ga·ake siani aro uko tangchaatpilani giminsa haida ia tom·ani gimin janapengnaba donga.) **Ezekiel 46:1** o, Isol Robibar salko saldok “kam ka·ani salrangoni” sal dakesa mesokaha.

3. 1 Korinthirangna 16:1, 2 ara Sunday schoolo on·anirangni gimin aganjama?


Aganchakani: Janapani dongja. Uano manderangni olakkina tom·bimonganina aganani dongja. Noktangtango tangkako dingtangmancha dake donnasa nangachim. Paulara Jerusalemo donggipa kangalrangna dakhakaniko on·na Asia Minor donggipa mondolirangna seachi uiataha (**Romrangna 15:26-28**). Ia Kristianrang pilakan Neng·takani Salko rongtale rakkiaha, uni gimin Paul, Neng·takani Sal badeango, Robibar pringo, uamang duko ga·akenggipa jongadarangnamaikoba dingtangmancha on·gilaniko dakchina ge·etaniko dakaha jedakode uni re·bao gilarang ong·jawa. Iako paltangtang dakaha—minggipin gita agangenchimode, noko dakchina aganaha. Uano Robibar salko rongtalgipa sal ine janapani dongja.

4. Kristoni somoionide somoirang gimahama aro antini salrangara dingtangahama?

Aganchakani: Dongja. Skia man·giparang aro itihasko segiparang apsan ong·aha je, calendar dingtahaoba, antini salsni salrangde mamungsaloba dingtangjaha. Uni gimin, na·a indake u·ina man·gen je an·chingni snigipa sal uan apsangipa snigipa sal jekon Jisu rongtalgipa sal ine rakkiaha!

5. Sninggiparang Jisuni chakatpilaniko mandera·na Robibar salko songe donangaha ine Johan 20:19 o serikahama?

Aganchakani: Dongja. Sninggiparang ia somoio Jisuko chakatpilaha ine bebera·jaengachim. Uamang uano “Jihudirangna kenani” giminsa gronggrikaniko dakaha. Jensalo Jisu uamangni jatchio mikkangpahaon, Ua



uamangko, “Uni tangchapilmano uko nikgiparangko bebera-gijani gimin” manengaha (**Mark 16:14**). Uamang Robibar salko rongtala ine chananiko uano mamungba janapani dongja. Niam Gitalo damchet odhai podrangosan antini skanggipa salko janapaha, aro uarango uko rongtalataha ine janapani dongja.

6. Kolosirangna 2:14-17 ara snigipa sal Neng-takaniko ra-galaha ine ong-jachima?

Aganchakani: lan ong-ja. lano bilsio manigipa, neng-takani salrangni giminsa agana jerangan “re-bagnigipana dakjagringani” giminsa janapaniko daka, aro uan snigipa sal Neng-takani Salni giminde ong-ja. Chengo Israelrangni somoio, uano bilsio changsni rongtalgipa salrang donga, ba manianirang donga, jekon neng-takani salrang ine ba mingaha (**Levirangni 23 ko nibo**). “Jihovani Neng-takani Salrang baksana” (**Levirangni 23:38**) ba snigipa Nengtakani Salna, iarangara on-dapani ong-a. Uarangni mongsonggipa gamchatanide dakjagringanio ong-achim, ba chisolona mesokatgipa aro chisolo bon-egipa ong-a. Isolni snigipa Neng-takani Salko Adamni pap ka-na skangan dakaha, uni gimin paponiko naljokatani giminde mamung dakjagringani dongja. Uni giminsa **Kolosirangna 2** dingtanggrikataniko dakaha aro neng-takani salrangko dingtangmancha “dakjagringani” ine janapaha.

7. Romrangna 14:5 o gita, an-chingni rakkienggipa salara paltangtangni chanchia gita ong-aiama?

Aganchakani: Lesson gimikan saksa sakgipinko ka-dongchakna man-jani gimin (**pod 1**) bichal ka-ani ong-enga ine u-ie ra-bo (**pod 4, 10, 13**). lano neng-nikanide snigipa sal Neng-takani gimin ong-jaenga, jean ge-eta mingchikkungni bak ong-a, indiba toromni bidingo maniani salrangni giminsa ong-a. Jihudi Kristianrang Gipin Jat Kristianrangni gimin bichal ka-engachim maina uamang uarango manijaengachim. Paul ramram dakesa aganenga, “Sakgipinko bichal ka-nabe.” Chong-motan hom boli on-anirangko dakna nangjajok.”

Nang.ni agananiko ba sing.anirangko iano sebo



01



02



03



04



05



06



07



08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa aiao inmanirang baksa gapatako man-aha jean nang-ko aro nang-ni nokdangko dingtangtgen aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljakatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Jisu (1)

Robibar salko rongtalgipa sal ine rakkiaha.
Snigipa salko Neng-takani Sal ine rakkiaha.
Pilak gipin salko rongtala ine rakkiaha.

2. Gitelni salara (1)

Antini skanggipa sal, Robibar sal ong-a.
Antini snigipa sal, Neng-katani sal ong-a.
Gitelna pakwatgipa je salba ong-a.

3. Neng-takani Salko (1)

Jihudirangnasan dakaha.
Ong-atani somoionin pilak me-a aro
me-chikrangna pilakchin pilak somoina
Isolchi dakaha.
Niam Gitchamni somoirango donggipa
manderangnasan dakaha.

4. Neng-takani Salko Robibar salona dingtanganiko (1)

Kristochi dakaha
Watatarangchi dakaha.
Dilsretgipa dilgiparangchi dakaha.

5. Isolni niam, jeon Neng-takani Salko man-gopa, (1)

Da-alode gamchatjajok.
Mamungdakeba dingtangatna man-ja.
Da-alonaba dongkuenga.
Kristoni sianio bon-eaha.

6. Niam Gitalni mondolio Gipin Jatrang aro watatarang (1)

Robibar salko rongtalgipa sal ine maniaha.
Na-a kakket ong-ode je salba rongtala ine
skiaha.
Neng-takani Salko rakkiaha.

7. Neng-takani Salko (1)

Chisolobon-ataha.
Jisuni gnigipa re-bapilano bon-atgen.
Isolni jringjrotni songnokoba pilak
chasongrangni piokgiminrang manigen.

8. Neng-takani Salara Isolni ge-etani bak ong-ani gimin, Nengtakani Salko pe-aniara (1)

Kristo siahani gimin mamungkoba chanchina
nangjaha.
Pap ong-a maina ian rongtalanirangko
ga-belbelani ong-a.
Da-alode gamchatjajok.

9. Jerangan Jisuna ka-sachongmota aro ja-rika (1)

Jisuni dakaha gita, Neng-takani Salko
manigen.
Pilak gipin salko rongtala ine rakkigen.
Robibar salko rongtala ine rakkigen.

10. Nengtakani Salara (1)

Antini skanggipa, Robibar salan ong-a.
Antini snigipa, Sonibar salan (Sukrobar
attamoni Sonibar attamona) ong-a
An-chingni je salko Isolna pakwatgipaba
ong-aia.

11. Robibar salko rakkianiara (1)

Sastroo agansogimin gita manderangni
banaigipasa ong-a.
lan Isolni da-asalna tarisogimin ong-a.
Kristoni chakatpilani somoio a-bachengaha
aro Pentecostni somoio ra-chake donaha.

12. Neng-takani Salko rakkianiara (1)

Niamko kingkot dake rakkiani chin ong-a.
Jihudirangnasan gamchataia.
Isolni Ong-atani aro piokani, rokomgninin
chin ong-a.

13. Jisuni Neng-takani Salko rakkie
dakmesokaniko angaba ja-rikna ska.

Oe.
Ong-ja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bils :	Misi :		

Nang.ni contact info-ko tik dake on.bo